

山谷先生詩集

癸亥仲夏

蔡成勳署

先太史詩編任子羽爲之集注

板行於蜀惟閩中自坊本外未

之見豈非以平生轍迹未嘗至

閩故耶母家藏蜀刻有年

試郡延平以鉅諸梓且憩

寂圖二詩舊亦僅著其目參

考家集遂成全書句裏宗

風好室識其趣獨念高曾規

矩百工猶究心焉手披口吟不

敢廢墜世之登詩壇者相與

共之壽斯永 先太史之志也

紹定壬辰日南至諸孫朝散郎

軍器監王洪兼權知南劍州軍

州兼管內勸農事節制本州屯

戍軍馬偕緋婿拜手敬識

山谷詩集注卷第十八

夢中和觴字韻

并序

崇寧二年正月己丑夢東坡先生於寒
溪西山之間予誦寄元明觴字韻詩數
篇東坡笑曰公詩更進於曩時因和予
一篇語意清竒予擊節賞歎東坡亦自
喜於九曲嶺道中連誦數過遂得之
天教兄弟各異方不使新年對舉觴

退之送李

正字序曰得燕而舉一觴此天也非人力也文選李陵荅蘇武書曰異方之樂祗令

人悲又劉琨書云時復相與舉觴對膝

作雲作雨手翻覆得

馬失馬心清凉

老杜詩翻手作雲覆手雨紛紛輕薄何須數淮南子

曰近塞上之人有善術者馬無故亡而入胡人皆弔之其父曰此何遽不為福乎居數月其馬將胡駿馬而歸人皆賀之其父曰何遽不為禍乎家富良馬其子好騎墮而折其髀人皆弔之其父曰何遽不為福乎居一年胡人入塞丁壯死者十九此獨以跛之故父子相保仙人遇末何處胡椒曲曰觸來勿與競事過心清凉

八百斛誰家金釵十二行

唐書元載傳籍其家胡椒至八

百石樂府梁武帝河中之水歌曰河中之水向東流洛陽女兒名莫愁頭上金釵十二行足下絲履五文章蓋言其首飾之盛爾而白樂天酬牛思黯戲贈詩有鍾乳三

千兩金釵十二行之句注言思一丘一壑

可曳尾三沐三豐取剗腸

晉書謝鯤傳或問論者以君方

庾亮何如荅曰端委廟堂使百僚準則鯢

齊語曰莊公束縛管仲以予齊使齊使受

之而退比至三豐三浴之桓公親逆之于

郊注云以香塗身曰豐亦或為薰此借用

以言墮於世網也按史記龜策傳宋元王

二年江使神龜使於河漁者豫且得之元

王刑白雉驪羊以血灌龜於壇中史以刀

剥之橫其腹莊子曰神龜知能七十

二鑽而無遺策而不能避剗腸之患

次韻吳可權題餘干縣白雲亭

餘干

今隸饒州

曩誰築孤亭勝日有感遇永懷劉隨州因

榜白雲句遺老不能談歲月忽成屢綠陰

斤斧盡華屋風雨仆

勝日見衛玠傳具上注文選江淹擬盧諶

詩曰霸旅去舊鄉感遇喻琴瑟唐書陳子昂傳為感遇詩三十八章文選陸機辯亡

論曰招攬遺老唐人劉長卿字文房嘗為隨州刺史其集中有同姜藩題裴式微餘

干東齋亭詩八韻其首章四句云世事終成夢生涯欲半過白雲心已矣滄海意如

何曹子建詩生存華屋處零落歸山丘

吳侯七閩英宰縣有

真趣

七閩見上注謂福建也退之詩絃歌出宰山水縣選詩悠悠蘊真趣

解民愠根節去吏蠹

魯語曰子之武城聞弦歌之聲注云子游

為武城宰帝王世紀曰舜彈五絃琴歌南風詩曰南風之薰兮可以解吾民之暍兮

退之鄆州溪堂詩曰孰為邦螫節材收佛根之螟又祭馬摠文曰去其螟蠹

宮餘工有子來助靈臺詩曰經始厦成燕勿亟庶民子來

雀賀水滿鳬鴈翥淮南子曰大厦成而燕雀相賀文選沈休文詩

曰白水滿春塘旅鴈每回翔劉公幹詩曰方塘含白水中

有鳬與鴈曹子建七啓曰翔尔鴻翥泖然鳬沒四海名士來一笑佳客聚老杜

下亭詩曰海右此雲興碧山留雲散清江亭古濟南名士多

去斯湏成蒼狗皆道不如故雲之或留或去其狀如山

與江也老杜詩天上浮雲似白衣斯湏改變如蒼狗古樂府曰持縑來比素新人不

如至人觀萬物誰有安立處萬物虛幻皆故也傳燈錄天台語曰至人以是獨照能為萬物之主圓覺經曰見聞覺知無處安立
寄語吳令君但遣糟床注老杜詩賴知禾黍收已覺
注糟床

次韻廖明略同吳明府白雲亭宴

集

廖正一字明略安陸人元祐中召試館職東坡大奇之俄除正

字紹聖初貶信州王山監稅有詩文號白雲集白雲亭在饒州

餘干縣

江淨明花竹山空響管絃

謝玄暉詩澄江靜如練老杜詩

山扉花竹幽後漢書皇甫規等贊曰谷靜
山空古樂府孔稚圭白紵歌曰山虛弓響
徹漢書曰鍾鼓風生學士塵雲繞令君筵
管絃之音未衰
學士謂廖明略令君謂吳明府太白詩水
閑明鏡轉雲繞盡屏移又云作詩掉我驚
逸興白雲遶
筆窓前飛
百越餘生聚三吳遠接連
地興
記曰饒州餘干縣即干越之地漢書賈誼
過秦論南取百越之地地理志臣贊注曰
自交趾至會稽七八千里百粵雜處各有
種姓通典曰吳郡與長興丹陽為三吳左
傳伍員曰越十年生聚而十年教訓退之
詩周楚仍連接老杜詩野水春來更接連
庖霜刀落鱠執玉酒明舡
上句舊作鱠鮓
南聯句曰庖霜鱠玄卿曲禮曰執玉不趨
舡謂玉酒舡○老杜詩月朗自明舡此借

用葉縣飛來烏壺公謫處天

上下句以屬吳

選詩王喬飛鳧烏按後漢王喬傳顯宗世
為葉令每月朔嘗自縣詣臺帝令太史伺
望之言其臨至輒有雙鳧從東南飛來於
是候鳧至舉羅張之但得一隻履焉則所
賜尚書官屬履也又費長房傳曰市中有
老翁賣藥懸一壺於肆翁乃與長房俱入
壺中唯見玉堂嚴麗百酒甘肴盈酌多時
衍其中太白詩壺中別有日月天

暴謔舞短更成妍

漢書蓋寬饒曰毋多酌
我左太冲吳都賦云鄱

陽暴謔蓋取詩所謂善戲謔兮不為虐兮
之意鄱陽今饒州陶岳零陵記曰長沙王

發於上前自請短舞人笑
其拙選詩曰皎潔不成妍唯我孤登覽觀

詩未究宣空餘五字賞文似兩京然

謂觀略

詩未能究景物之詳然賞歎其五字律如
兩漢蘇李曹劉之作也漢書儒林傳序曰
小吏淺聞未能究宣後漢書張衡傳擬班
固兩都作二京賦孟子曰道若大路然
言經憂患之多

醫是肱三折官當歲九遷

肱三折見上注

退之上張僕射書曰一歲九遷其官

老夫看鏡罷衰白敢爭

先

老杜詩功業頻看鏡又詩衰白已光輝

病來十日不舉酒二首

病來十日不舉酒回施青春與後生滿袖

東風慙人意見君詩與字俱清

王羲之帖云官奴小

女玉潤病來十餘日了不令民知回施蓋用佛家語楊凝式詩無限歡娛榮樂事一

時回施少年人劉禹錫詩分付鶯
花與後生老杜詩幽意忽不愜

病來十日不舉酒獨卧南床春草生承君

折送袁家紫令我興發郎官清

南史謝惠連族兄靈

運嘗於永嘉西堂思詩忽夢見惠連即得
池塘生春草袁家紫當是牡丹名郎官清
蓋酒名國史補云酒則京城之郎官清

題小景扇

草色青青柳色黃桃花零落杏花香春風

不解吹愁却春日偏能惹恨長

文選古詩青青河畔

草太白詩柳
色黃金嫩

鄂州南樓書事四首

四顧山光接水光凭欄十里芰荷香清風

明月無人管併作南樓一味涼

莊子曰為之四顧為

之躊躇老杜詩山光悅鳥性歐公詩惟有
新秋一味涼○退之詩曲江荷花蓋十里

又太平廣記鬼詩明
月清風良宵會同

畫閣傳觴容十客透風透月兩明軒南樓

槃礴三百尺天上雲居不足言

文選郭璞
江賦曰荆

門閼竦而槃礴李善注云廣大貞退之詩
火燒水轉掃地空突兀便高三百尺江南

諺曰天上雲居地上歸宗蓋雲居在山之
絕頂舊屬洪州今屬南康軍○三國志陳

登字元龍劉備曰如小人欲卧百尺樓上今云三百尺蓋增言之耳

勢壓湖南可長雄肯吞雲夢略從容北舡

未嘗觀巨麗複閣重樓天際逢

前漢鮑宣傳曰上黨

少豪俊易長雄退之祭鱣魚文亦曰爭為長雄肯吞雲夢見上注子虛賦曰君未覩

夫巨麗也文選景福殿賦曰複閣重闌謝玄暉詩天際識歸舟

武昌參佐幕中畫我亦來追六月涼老子

平生殊不淺諸君少住對胡床

武昌蓋用庾亮事見

下注世說注劉弘謂陶侃曰昔吾為羊太傳參佐文選謝宣遠詩曰婉婉幕中畫後

漢仲長統傳曰濯清水追涼風老杜詩憶昔好追涼故遶池邊樹

南樓畫閣觀方公悅二小詩戲次韻

十年華屋網蛛塵大旆重來一日新五鳳

樓中脩造手箇中餘刃亦精神文選曹顏遠詩曰生

存華屋處張景陽雜詩曰蜘蛛網四屋楊

文公談苑曰韓浦韓洎咸有詞學洎意嘗

輕浦語人曰吾兄爲文譬繩樞草舍予之

爲文是造五鳳樓手莊子曰恢恢然其於

游刃必有

餘地者矣

重山複水繞深幽不見高賢獨倚樓手拂

壁間留恨句凌波微步有人愁老杜詩不見高人王

右丞又詩行藏獨倚樓洛神賦曰凌波微

步羅襪生塵李太白樂府云有人樓上愁